

湘

瑟

詞

序

余與司寇元冲公鄉會皆

同榜二十年已前唁其喪

子而戚賀其得子而喜執

手慰勞聲歎悲歡歷歷如
在睂睫今年復游雲間得
見其子寶汾皎然如玉樹
臨風蜚文落藻已爲都人

士領袖讀其詩文編珠貫

玉能脩舉其家學錦樓湘

瑟有餘光矣以寶汾之成

立如此而余之老耄視息

爲何如人言司寇中年喪
子精修檀度孔子釋氏抱
送有徵寶汾生具宿慧讀
書續文能記他生之所習

觀音大士十六無畏所謂
無子求子得生福德智慧
之男蓋可執券而取余學
佛人也覩寶汾之英妙深

知經語信而有徵歡喜無
量而不復如昌黎之得見
北平三世以久居人世爲
可嘆已曹子桓有言文以

氣爲主氣之清濁有體不
可力强而致寶汾之詩固
已金鏘石戛紛綵繁會矣
而其清英峭特霞飛颺舉

秀出于筆墨之外者非可
以學而能勉而中者也迦
陵頻迦之鳥當其在殼其
聲已踰衆鳥師子兒方躑

地野千聞其吼匿影竄去
此非有體氣焉主之而若
是乎余老矣不復耽世間
文字無以長子少陵有言

陸機二十作文賦此吾子
之時也賦不云乎傾羣言
之瀝液漱六藝之芳潤謝
朝華于已披啓夕秀于未

振文章之道新新不窮當
與年齒俱進騁騏驥于修
塗鞭影入心固知其不干
里不止予猶能憑軾觀之

掉鞅于中原不徒以詞賦
爲君子也寶汾其懋勉哉
丙申重九蒙叟謙益題

序

往在壬寅之秋與錢子莚鮫定交於時連袂尋歡分曹
命酒與酣耳熱發爲詩歌酬答率無虛日相得甚謹也
已而別去莚鮫官京師僕戢影海畔踪跡邈然如辰

參之隔比者再過非城莚鮫方休沐里舍班草之暇重
問前遊所著詩詞已衰狀成集僕受而卒讀而不覺有
槩於中焉昔龍門撰虞卿傳謂非窮愁不能著書歐公
論梅聖俞詩亦以爲窮者後工向固心疑其說以今觀
之而知其不盡狀也以僕十餘年來行吟山澤遠跡羊
豕至隱約矣而才盡意消欲求隻字之工而不可得莚
鮫居清切之地入有視草之榮出有采蘭之樂雍容車

佩所至都雅而詩筆清華名滿海內卽湘瑟一編抑何
引商刻羽嚼徵含宮風颯而可誦也假使當今立樂府
祠竹宮則蕤敏之詞必采習絃誦被之律呂如司馬長
卿故事又使供奉內庭流傳歌苑則金甌玉斧之句必
邀九重之知黃河白雲之篇且發雙鬟之響矣狀則
昔賢之論殆有爲言之以自寫其磊砢不平之意信平
工者之不必窮而窮者之未必工也抑僕更有說焉詞
以湘瑟名意若以仲文自況夫曲終江上句非不工狀
寥寥十韻何至遂乞靈於神助以視蕤敏驚才絕艷杼
軸予懷大厝才人殆不免有慙色矣

鹽官同學弟彭孫通拜譔

序

歲在馬逢月當龍御雉媒日暖問獵苑於吳城魚薮波
深訪釣徒於申浦時有青峯江上賦瑟才人實則紫禁
雲中含毫舊侶爰開西墅許水監以哦松特館南州共
漫郎而折芰燈前側帽旣多顧影之憐酒畔鳴箏遂有
緣情之製風流宛在比思曼以垂楊姿態橫陳擬子京
之僊杏淒清欲絕我見之始欲言愁哀樂無端人聽焉
渾難自主舞山香之一曲技至此耶聞水調之數聲觀
其止矣蓋詞原靡麗體雖本於房中而語必遙深義偏
通於世說彼漢宮之衣袂固自傷淫若宋殿之屏風尤
爲失雋而葆鬋穠纖合度搖曳成姿拘益加妍在疑雨

疑雲之際淡還生艷是非花非霧之間譬姑射之冰肌
何妨金粉若太真之玉質更勝鉛華故使淮海慚聲屯
田輟響美人南國歎紅豆之叢生詞客西崑謂青蓮之
再出昔天下歷三百載此道幾屬荆榛迨雲間有一二
公斯世重知花艸信乎五茸之興廢關於三李之重輕
今葆粉閣映湘真樓鄰髣髴彼徒形其倚樹此益美乎
積薪君將奉勅以填七寶施諸上苑我且選聲而聽
六么付與歌鬟倘或問陸賈之裝黃金幾兩則請誦姜
夔所譜白石一編耳

康熙戊午且月天貺節舊寅同學弟吳綺拜撰

序

五陵煙月最說長安三輔笙簫尤推鄠杜縣名盤屋樓
前多織錦之妻殿是馭娑闕下有橫鞭之客於是貂蟬
季少金粉仙郎衛叔寶之體不勝綺羅王夷甫之手詎
離珠玉時則柳衣染綠荔帶垂青鳴箏而過公主之園
挾瑟而上將軍之第臺前放仗見南苑之參差閣下傳
餐望西山之蔥鬱李嶠爲秋雁之篇王維有紅豆之作
寫之玳瑁知才子之多情譜以笙篴驗佳人之巧笑狀
而蛾眉善怨時懷故里之鶯苔蟬鬢工啼每念微時之
姊姒雲中射雁偏愴晨風苑後釣魚恒悲瀟水絕憶嵇
康之鍛慣思張翰之鱸是則柳郎中之小令麗句雖多

牛給事之新聲愁端不少僕類楚狂偶來燕市一聲河
滿憐司馬之青衫三疊陽關羨尙書之紅杏不揣題詞
之贈矧當分袂之辰逐秋風而竟去余是愁人盼明月
以相思君真健者

陽羨同學弟陳維松其年譔

序

雍門之曲愁思生援琴之先長康之畫傳神在阿堵之
內裴成煩質一毫萬金駟駕超光阜形十影構凌雲之
樓觀不負錙銖躍方響於裴寶相求律呂始信好辭之
絕妙寧非天下之至精我友葆翫灼狀玉舉其爲曲子
纖恨無遺拔初日之芙蓉濯新月之楊柳若其早遊郭
隗之臺久索東方之米直廬夜靜太液波澄至於煙洲
逢迎板輿升降烏鳥之私得請葦鱸之興非賒又如勝
友招尋求仲而兼羊仲佳辰臨眺傳杯而不放杯及夫
覩壁間之遺挂楊公潘存感竹邇之流連芝焚蕙歎又
有驂疲歎段短策殘陽花贈將離長亭細雨以至重重

簾隙時見遠燈寂寂烏中忽聞哀笛莫不形神俱往徙
倚何依江醴陵本是恨人衛洗馬誰能遣此展硯琉璃
之匣按彼綠腰抽毫翡翠之牀付諸紅袖諸香雜襲聞
之者清覓十色陸離見之者刺眼於是綺陰庭院叫檀
板而抗音朱鳥窗櫺展牙籤而披覽消愁蠲疾可代金
萱易髓變容同於玉醴矣

同學弟金是瀛蓬山氏題

序

原夫鏡歌稱曲始自漢初倚聲製詞昉於唐季移商刻羽無非按譜之音繪月雕雲盡是言情之什調非一閨體有數端情文之美可得而言若乃地異巫山人同洛浦桂苑之蟾乍吐靈河之鵲爭飛蝦簾以銀蒜爲鉤鴛帳以犀渠作鎮於時潘令登車爭縈皓腕江郎對榻暗結同心當斯繾綣之餘豈乏定情之句狀而十五王昌翻憐嫁早三生杜牧偏恨來遲鴛鴦飛去誰招紫玉之冤孔雀歌殘空灑蘭芝之淚故有禽名精衛艸號薜蘿悵井底之銀瓶望刀頭之明月事極傷心音同激楚至於櫻桃玉盤東閣畱賓茵舊金塘西園宴客慶郎鬢髮

能爲雙鳳之歌絳樹弓腰欲作飛鳬之舞雖復弱毫三寸敏婉枚臯清酒數升罰同安國靡不扇芳辭於金谷揆麗藻於瓊筵况夫屈大夫銜悲湘水李都尉雪涕河梁秦川公子魂銷適楚之時蜀國詞人腸斷遊梁之日不有名篇孰標勝景倘無傑構曷叙離情豈徒王筠咏芍藥之花正叔賦琉璃之盃僅推博物漫詔雕蟲而已哉吾友錢郎當今作者一雙何阮遜此風流八米盧生慚茲淹雅香畱繡襦羨荀令之重來曲度紅牙訝周郎之數顧不數玉鳬妙曲翻爲珠柱新聲爛如雲錦疑拂園客之絲燦若珠璣駭吐文成之石昔思光以玉海名篇飛卿以金荃命集辭章之麗今古同之嗟乎雅樂失

傳知音罕遺伶工選調每乏風華才子摘詞難調絃管
欲求樂府之遺試咏湘靈之製庶幾秦淮海之婉戀清
新柳屯田之柔靡艷冶觀茲新著煥復舊觀僕與錢郎
夙同雅好妖姬北里共闢春陽散酒宜城偕邀夜月於
焉吟成艷體奏以名倡鳳簫低壓暖假杏子之衫鴈柱
輕移羞掩桃花之扇或非歌琪樹調類秦聲或緩度銅
鞮音同郢曲方當攷玉尺之制有禪瞽宗豈徒訂彤管
之訛慢誇神解

同學弟董俞樗亭氏題

湘瑟詞卷之一

申浦錢芳標蕤斂簪

轉應曲

楊柳楊柳影蘸瀾橋別酒平。剛小雨，霏微那更離亭絮
飛。飛絮飛絮人與春光俱去。

花非花

早春花初旬月一半開。三分缺，香憐淡汙未須穠。影愛
朦朧偏勝微。

柳枝

紅杏花梢逗晚晴。嚶雛鶯手攀珠箔出中庭。步盈盈，
獨倚畫闌無一語。空延佇。閑思往事悔多情。誤今生。

荷葉杯

憶昔峭寒庭院。初見珠箔燭花紅。謝娘多病晚妝慵。笑語暫相同。城上烏啼天曙。離去記取若相尋。小橋斜徑綠槐陰。門掩夕陽深。

臨江仙

春暖蘭皋鴻鵠閒。青娥斜鞦煙鬟。六銖衣薄步珊珊。波。波。波。鴈。碧。日。暮。弄。珠。還。交甫自憐仙分少。此生無計相攀。數重如畫楚南山。難逢易別。腸斷水雲間。

又

水廟陰霏卷綠蘿。鷓鴣隔岸啼過。暮天髣髴倚湘娥。秋。風。嫋。嫋。木。落。洞。庭。波。惆悵翠華遊不返。愁心蹙損雙

蛾。至。今。修。竹。淚。斑。多。黃。陵。月。冷。空。自。鼓。雲。和。

又

湘浦新涼午睡醒。水蕖開遍秋汀。楚天臺殿敞銀屏。高唐雨散。十二晚峯青。暗想瑤姬曾薦寢。飈車一去難停。鴨頭無恙漲浮萍。可憐覓夢。多半爲娉婷。

又

暮色停車眺雒川。縠紋風動淪漣。宓妃拾翠出芝田。驚鴻不定。照影最翩翩。何處生塵羅襪去。獨畱新月嬋娟。嬌。歸。來。想。像。不。成。眠。鏤。金。香。枕。曾。壓。綠。鬟。偏。

更漏子

詞舞殘風露曉。淒淒別時艸。艸。湘。竹。簟。越。羅。帷。悶。來。唯。

睡宜。虛館暮。夢君處。覺後閒愁無數。新月色。舊花陰。誰能知我心。

又

畫屏斜。妝閣掩。午繡倦。拋金剪。人不語。燕交飛。博山香篆微。從別後。漸消瘦。揉損象紗衫袖。紅雨亂。綠陰多。眼看春又過。

江城子

謝家池閣罩垂楊。水風涼。藕花香。象梳欏鬢初卸。晚來妝。正是畫簾剛。月午。羅帳底。影雙雙。

思越人

雨翻荷。風颭竹。夜深驂屑難聽。遠夢乍回。筠簟冷。背窗

猶爇殘燈。無端舊約關心亂。人書信愁看。屈指過期秋又半。爭教人不腸斷。

天仙子

開罷荼蘼春寂寞。後園初拆鞦韆索。不知何事轉嬌慵。鉤繡幕。倚香閣。風起楊花無數落。

又

烏臼啼殘鴛被冷。隔窗澹月涵花影。此時堪恨太畱難。驚睡醒。立俄頃。金縷半拖鬟不整。

謁金門

蟲語切。露溼桂叢香烈。八尺龍鬚涼浸月。照人雙臂雪。無奈玉郎遠別。夢醒尙聞嗚咽。偏是獨眠惆悵節。夜

長燈又滅。

清平樂

井梧飄葉。又是新秋節。憶與箇人和淚別。羅袖膩香難
歇。尺素傳自橫塘。分明小字斜行。開處幾回偷看。耐
儂無限思量。

女冠子

暮燈晨磬。銷却此生薄命。碧桃開。仙洞雲常鎖。劉郎未
許來。燕釵寒玉碾。鸞袖縷金裁。一自清齋後。總塵埃。
又

藕絲霧縠。別是道家妝束。珮珊珊。睂澹羞匀翠。脣輕
嚙。注檀。鶴歸秋醺散。蛩語夜香殘。牕有淡閨月。照松壇。

又

薔薇開謝時節送春迎夏玉纖輕開展膠東紙鉤簾寫
道經無端傷往夢有約待來生願學鴛鴦伴嫁多情

又

玉笙吹徹人坐瑤臺秋月碧天空悵望銀河影沈瑩桂
樹叢襪纖應怯露衫薄不禁風咫尺蓬山路信難通

何滿子

撩亂飛紅無主萋迷遠碧難窮轉眼春光畱不住况兼
雨雨風風暗數芳菲佳節香閨一半愁中

又

巢燕欲辭青瑣渚蓮旋褪紅衣光景暗催期又過可堪

獨宿空幃。怕上沈香小閣。照人三五清暉。

南歌子

欲住還飄雨。將殘未滅燈。酒醒恨難勝。曉看山枕上。淚痕凝。

又

添麝更衣後。挑朱對鏡時。故故弄妝遲。日高牽女伴。折花枝。

又

候館將離艸。津亭垂柳條。含態復含嬌。如何攀折處。最冤消。

又

繡轂絲爲憶，雕鞍玉作鞭。相見大隄邊。踴青人盡散，獨
留連。

小重山

紅板橋西亞字牆。玉驄嘶過處，已斜陽。小樓簾捲倚濃
妝。金條脫，纖手弄垂楊。一餉立徬徨。明知畱不得，意
難忘。畫闌咫尺，是仙鄉。垂鞭去，人遠落花狂。

山花子

酒力闌珊墜髻偏。靜垂珠箔卸頭眠。枕畔桂香樓外鴈
已涼天。夜檻玉蟾光漸吐，簾紋鋪水，帳籠煙。影浸一
枝紅菌萼，似嬋娟。

又

洞戶春寒，嫩揭簾黃昏。香燼雨霏霰，因檢舊書，偷拭淚
背妝奩。花謝倍憐人寂寂，情多偏得病厭厭。閒擲繡
牀金鳳綫，沒心拈。

昭君怨

盡日倚樓凝盼，何處暮天新暝。書到亦愁余，況無書。
暗想幽期密意，不信拋人容易。縱使負儂心，憶君深。

又

無數王孫芳艸，綠滿長亭古道。黯澹暝煙和，似愁多。
時節江南寒食，人倚小樓吹笛。曲罷惜歸遲，雨絲絲。

踏莎行

慢響接雲，愁蛾斂翠。曉屏微雨香垂穗。衰桃片片墮銀

塘畔人鏡裏胭脂淚。非坐非眠半醒半睡。春來鎮是情如醉。侍兒聰慧慣猜疑也。應未解淡淡意。

少季游

秋風秋雨閒愁閒悶。羅幌夢回遲著。背寒輕透簾香細。初試夾衣時。玉人一去無消息。虛館碧苔滋。枕畔韶容夜闌私語。纖悉費尋思。

南鄉子

窄徑潛行。蓼花開處綠波明。浣女素妝低映水。斜陽裏。抱却纖腰羞不起。

又

月暗風闌。晚涼浴罷挽雲鬟。悄向曲廊閒倚遍。圖郎見。

舉袂背花搖小扇

又

相見匆匆日斜深巷書樓東雙頰促人嬌不語心相許
印得脂痕紅一縷

阮郎歸

後堂絲雨釀春寒金泥簾額間霏微香雪撲朱闌
菜萁開又殘
慵傳粉
懶勻檀
兩蛾行坐攢不知瘦損玉琅玕
但嫌衣帶寬

虞美人

香牋小印鴛鴦字那得蓬萊使曾遊池館碧苔深惆悵
舊時蹤跡杳難尋
畫屏曲檻頻相見
客意傷人
幾

番攜手悔蹉跎。此別迢迢銀漢待如何。

又

碧桃花下鞦韆影。人瘦春衣冷。雕闌十二護瑤階。記得
去年曾此待郎來。巫山隔斷朝雲夢。淚漬鮫綃重。東
鄰女伴不知愁。約我明朝同泛木蘭舟。

菩薩蠻

泥金扇畫乘鸞女。當筵一曲春鶯語。別我去楓橋。此時
魂暗消。臨岐持素手。君去相思否。才道解相思。香願
玉筍垂。

又

韶州紅藕裁方錦。流蘇影底珊瑚枕。沈水散濃烟。那堪

人獨眠。夜闌頻見夢。笑語分明共。夢裏最關心。覺來
無處尋。

又

嬌鶯只合花間住。如何一霎拋人去。惜別酒頻持。畫船
催上時。驛橋疎雨歇。幽恨山重叠。他日更逢君。腰支
瘦幾分。

又

蘭堂紅燭聞謠夜。睂峯翠拂橫波瀉。緩步蹙香襖。顫風
花不如。酒闌偎倚語。密約心相許。願作一身棲。那堪
今別離。

長相思

月墮隴。霧濛濛。路轉鞦韆。畫閣東。吹窗殘蠟紅。立
匆恨重重。想得香閨春睡濃。錦衾無計同。

又

燕飛飛。柳依依。寒食江南。紅雨霏。剩香猶撲衣。
夢全違。信全稀。看盡平蕪。燕趙夕暉。繡鞍趨不趨。

點絳脣

絡緯聲中。赤闌盡日凝。坐。秋棠幾朵。細雨墻陰。擲。
望斷黃昏。玉筍羅衣墜。朱門鎖小屏。燈火只照淒涼我。

又

蓼岸煙疎。鷺絲獨立秋潭碧。畫船吹笛。曾載神仙客。
落日重過。往事成蕭瑟。時光擲。思量無益。便是銀河隔。

巫山一段雲

髮髻雙彎鬢輕盈一搦腰魚鱗小浪綠楊橋斜倚待蘭
橈佯弄金跳脫重簪玉步搖無端紅袖隔花招狂客
倍覓消

又

小鴈侵眉細嬌鶯學語新杏紅衫薄稱腰身閒立落花
晨撇帶如凝恨寒簾故泥人問伊何事不宜春無語
但微顰

鵲踏枝

露濕芙蓉風稍緊珍簾涼淡光景重陽近冷落秋杵閒
玉軫遠屏山色橫金粉獨倚江樓私自忖錦字傳來

舊約難憑準。葉葉輕帆過欲盡。寒煙幾點殘鴉穩。

玉樓春

花稍月午金鋪閉。此夕劉郎仙洞睡。蘭膏照處粉尤明。
繡袂著來腰更細。夢回珊枕鬆鬟翠。百舌催人嬌語碎。
忍寒攜手送郎歸。惆悵檀痕猶印臂。

又

鬢蟬初歛休。蘭沐。帽染石榴香。霧簇鵬絃欲撥。故逡巡。
嬌倚晚屏山幾曲。微酣膩臉偎紅玉。笑眼慢迴心暗。
屬。背燈低語問卿卿。飲散月斜何處宿。

鷓鴣天

螺黛微施檀注輕。柳慵花困爲多情。亦知蠶苦絲難斷。

無奈蜂偷蜜已成。書款曲，字分明。異香封裹，淚痕疑爲，言青瑣，窺郎且便擬相隨過一生。

甘州子

畫堂西畔軟香稠。清晝倦，小橫陳。紗廚輕揭暫相親。檀注溼朱唇，驚睡覺，無語半迴身。

朝中措

酒闌棋罷月痕黃。移燭轉迴廊。忽憶箇人綠齒，夜濃曾待檀郎。當季暗裏，抱時腰瘦，語處脂香。多少幽歡密約，釀成今夕淒涼。

應天長

山牕斗帳垂銀蒜。蘭燄滅來宵未半。貼蓮腮，縈雪腕。猩

血蜀羅沾薄汗。月輪斜。花影亂拂面。綠鬟香散倦枕。
夢迷休喚。儘教狂眼看。

眼兒嬌

江上烟寒蓼花紅。暝色語征鴻。畫橈纔繫。雕鞍又別。聚
散匆匆。柔腸此際。應千折。握手蹙眉峯。欲畱無計。欲
拋爭忍。欲去難從。

木蘭花

山行偶見墓門有題句云年年寒食聽烏啼腸斷紫荊花滿樹情致哀苦讀是才鬼

所作因用其語賦此

泉臺一閉無朝暮。那憶人間春幾度。土花已滿舊時衣。
竹葉枉澆山下墓。青燐散入黃蒿路。風旋紙錢冤自
訴。年年寒食聽烏啼。腸斷紫荊花滿樹。

菩薩蠻

月方集
林寺作

酒醒夢破疎櫺曉。羅幃不鎖春寒峭。城上角鳴鳴。此時
腸斷無。新愁誰得寫。又是平明也。作意費消排。翻嫌
事事乖。

浣谿紗

乙巳京邸悼
錢塘詞者

雨打棠梨葬五更。碧空吹斷玉人笙。傷心幾日是前生。
宴幕尙畱鶯語滑。舞衫將化蝶魂輕。舊歡如霧不分
明。

又

宣武門西繫馬初。落梅時節放燈餘。金泥扇展爲君書。
命似春冰偏恨薄。心同秋蕊未曾舒。夜臺無路倩雙

魚

又

帶綰青絲稱楚腰。半酣紅暈頰邊潮。當時暫別尙覓消。
煙燼博山人寂寂。雨涼湘簟竹蕭蕭。可堪酒醒又今宵。

又

憶醉紅螺泥繡茵。背窗殘蠟倦橫陳。漆鬟香亂雪肌勻。
今夜月仍前夜月。眼中人剩夢中人。小簷何處點青燐。

又

一霎韶容減彩煙。六銖衣隔蔚藍天。嬌多原易損芳年。

金蕙。摘來無半。箭玉蟾沈太。只初弦從他。薄倖也。悽然。

又

城鼓無聲露井寒。花陰髣髴步珊珊。鮑家詩唱怯星殘。
自記生辰藏釧合。誰描小像供香檀。藕絲風斷再縫難。

又

家隔錢塘雪練飛。晚潮堆怨咽斜暉。幾時華屋燕同歸。
淚血漸應侵玉盃。土花慣解繡羅衣。蟲啼秋柏雨霏霏。

沁園春

戊申秋日送陳其季還陽羨兼讀其烏絲詞同合肥先生次韵

如此寒威犯雪餐。風君何所之。怪身非社燕。季季作客。
心同園繭。旦旦抽思。界就烏闌。記來紅豆。一卷囊中幼。
婦辭。天涯伴。有偷聲減字。舊識張微。梁塵詞罷。霏霏。
漸玉漏闌珊。珠斗稀。儘旗亭粉壁。矜將絕調。鈿華銀甲。
譜入傳奇。卷畫谿邊。簪卷洞口。話到家山。興欲飛空。惘。
悵。賦湘靈鼓瑟。省試分題。

又

記十季前。此夕長干。瓊筵肆張。對明蟾三五。倚樓笙按。
脩蛾二七。背燭鉤藏。勝地梁陳。名家王謝。曾占風流射。
雉塲。歸去也。數白門垂柳。幾換星霜。紅螺重泛。西涼。
又濕盡青衫。在帝鄉。笑弓彎樣改。徒勞學舞。玉纖人老。

猶慣縫裳。令節持螯。淩宵聽雁。好事爭尋。蜀郡揚吳。江
岸想尊絲正滑。桂粟方香。

賀新郎

前題

世事看狙。攫註莊叟。朝三暮四。寓言聊托。忽展尚書紅
杏句。滿紙漏痕。斂脚。奈此際。驅歌方作。南浦銷魂才盡
矣。悔竊桃。罰做饑臣。朔。巫媿小。氣先索。逡巡鏤管濡
還閣。豈隨例。渭橋車馬。主酬賓。醉。搗練聲中。攜手處。愁
殺短亭長薄。其貫取。離筵桑落。莫道沈沈秋夜永。聽晨
雞茅店。俄成昨。且傾耳。他鄉樂。

又

錦席騷壇。攬多半。是玉溪楚雨。含情有托。識字王筠。今

已少猶賦郊居鳴脚。瓦缶內朱絃獨作。却爲稻梁棲不
穩。似飄飄。候雁隨南朔。花照眼。句聊索。君過何遜揚
州閣。有無數。綵毫爭和。綠樽同酢。顧我車塵成嬾漫。才
與宦情同薄。早七見秋高風落。朱雀橋邊聯轡後。試韶
顏明鏡何如昨。恍夢醒。覓裳樂。

又

健筆蒼鷹攫。問何事終朝不飽。綠鞵棲托。禪榻茶煙軟
語罷。雨足斜連日脚。况簾外白蘋風作。著背峭寒來陣
陣。趙光陰又近。初冬朔。聽敗葉轉蕭索。酒籌謔扇都
耽閣。但滿眼昏鴉冷雁。往來如酢。宓女剛妝供八斗。壯
矣此遊非薄。余亦是天涯淪落。快事吾家江水上。射銀

濤萬弩猶思昨甚破陣錢塘樂

又

僕馬侵晨發正秋晚雨收千嶂氣澄雙闕
空問雁池脩竹裏近有何人賦雪應辜負謝莊明月西掖清光千里
其怕相逢他夕添華髮空矯首望天末薊門霜柳殷
勤抵筭人世掃愁驅悶只杯中物從事督郵投分好漫
說七雄三傑彈指處香銷燼滅廣武旌旗無忌館剩春
風躑躅開如血不痛飲復奚益

又

粉蝶悲笳發動游子腮邊玉筍口中石闕十丈軟紅休
沐宴相對藕絲曾雪又蹋到銅街涼月我尚淹畱君又

去筭幾時華頂同。睎髮最悞是鵷班末。少季齒憶鄰
梭。振開屈指鱸頭稽阮半。爲異物。燕市酒徒猶未盡。袒
跣呼盧驍傑。儘堂上畱髡燭滅。躍馬昨過南海子。伴期
門。雨透猩袍血。嗟陞楯長何益。

又

不寐霜鐘發。念老友雄心未已。摩挲巨闕。黃絹題成誰
得似。似噉嚙山絳雪。江總在休誇壁月。便道蛾眉邢尹
妬也。憐他委地如雲髮。求遺憾。無毫末。角巾瀟灑從
教折。多病後怕驅不盡。眼前俗物。酒國拍浮。吾計足入
手。霜螯偏儻。袖裏刺山他。漉滅舊約買田陽羨。隱喚歸
心。杜宇聲聲血。開小徑望三益。

念奴嬌

讀橋亭樂府
用彭美門韵

愁人遙夜對寒檠。蠟短風簷筆碎。十載肩隨酬倡侶。誰似河梁都尉。吳舫穠花。燕關哀角。別緒濃於醉。水縈山疊。浮生縮地難遂。何日買宅比鄰。張南袁北。裹足塵囂肆。屏當岑簪浮一葉。細數淞江殘臘。春雨編簑。晚沙然竹。拋食馴烏鬼。櫻桃短夢。讓他講舍酣睡。

又

此時故里正谿梅。朶綻瓦禽聲碎。蘭槩竹堦微霰霽。早晚攜壺鄧尉。曲榭衣香。軟泥鞋印。媚景烘人醉。當筵五斗。高談不數焦遂。還憶樂事丁年。垂楊繫馬。調笑青帘肆。聽罷雙鬟羗笛句。呼取銅盤解脰。宋艷班香。吳歛

澄湖面面照微煙。鬢青一片。莫是曩光寶鑑。熒熒試瞻。
妝。館娃謠舞。賸有花龕。鳴粥鼓。徙倚琴臺。依舊西風。
野菊開。

鵲橋仙

壬子感舊

斜行小字。餘香重裊。封識依然。釧朶許多珍重。費收藏。
能幾日。新妝婀娜。總帷燈燼。繡床塵鎖。畱得淒涼伴。
我安仁。淚點驗如何。穿不了秦珠顆顆。

青玉案

無端閒撿紅箋句。又引到傷心處。秋月春花誰是主。鸞
鏡換酒。獸爐添炷。夢著京華寓。同心梳子連枝苴。散
作東風三月絮。惡劣襟懷無可語。如年長日。如絲細雨。

釀得愁如許

風光好

盼花朝到花朝真箇如花慰寂寥款春宵
燈前恰似剛纔見形相遍淺墨單衫小翠翹
顰消

滿江紅

與陸君賜

頭白張徽曾供奉華清曲宴記承恩霓裳譜就重瞻頻
盼十載茂陵秋艸綠調絃猶夢蓬萊殿問朱門弟子舊
蛾眉飄如霰黃褪了垂楊線紅落盡殘花片正江南
好景茅堂重見一闌當筵何滿子瓊杓亂撒珍珠串濕
青衫有客最神傷荀家倩

時余方悼亡

金明池

經城中故姑

葵井鵲啼。棘祠龍掛。道是羅含故宅。馬矢外。顏垣臥礎。
縱社日。籩燕難識。歎飄零。九髻王郎。今已作朱雀橋邊
行客。任牧豎腰鐮。健兒橫稍。莫問劫灰消息。猶記承
平爲歡日。接北里南鄰。梁園梓澤。朱樓按劍。蟬銀甲。翠
檻瞰銅駝。締陌乍。毛人夜泣。城頭便樹。古池平。燐青月
黑。似華表仙成。槐安夢醒。一局爛柯蹤跡。

念奴嬌

雪舟

篷窗清曉。問何似訪戴山陰興盡。一幅谿山填水墨。誰
榻荆關真本。遠渚鴻泥。前邨蟹舍。約畧疎煙隱。濁醪堪
覆。從教著背寒緊。扁舟羨殺漁翁。企腳高眠。簑笠生
涯穩。瞬息鬢絲憐汝。映莫待何郎面粉。繡閣圍爐闌門。

立馬往事開思付箇人起未被池孤負鴛錦

蘇幕遮

送陸君賜之攜李時予將入都

月烏驚霜。照燭淚。闌珊又送何戡。已是傷心無可

語。莫向樽前。唱我傷心句。

唱予悼亡後曲

鳳城雲。鴛水壺。兩

地離愁。且作須臾住。我到段師呈伎處。百子池邊宮榭

飄新絮

又

董律始諸公送余吳間舟次誌別以下皆癸丑入都作

鷁舟移。驪唱咽。臘酒春盤。艸艸行廚列。殘雪乍消冰尚

結。候館垂楊。未有絲堪折。蹋燈時。脩禪節。問我何心。

忍負春江月。莫道故人容易別。圓筍山梅。事事難拋撇

唐多令

月落鳳幃空。鄰雞應遠鐘。十餘年、幽恨朦朧。縱得夢中
相見處，也只是病時容。聚散苦匆匆。春來萬事慵。歎
蕭郎又逐飄蓬。水驛風帆，渾不異、却少箇舊人同。

卜算子

人日登
虞山

倚醉太尋山。山路斜陽際。誰遣青絲挈榼隨。更作惜騰
醉。選石藉莓苔。石罅鳴泉細。折得南枝憶壽陽。醉卽
和花睡。

琵琶僊

月夜虎丘
獨坐

茂苑煙花都分付。短簿祠前片石。無數雀舫笙歌春遊
圖。裙屐問此夜。茶煙佛火。誰消受。廣場月色。霸王雄心。
名姝巧笑。墓州同碧。記當日。歸櫂乘秋。坐羣從。遷鶻。

翫蟾魄只合是鄉老矣。泥酒徒狎客。怪底事。閒雲出岫。又逐他燕市杯炙。甚日簑笠橫塘。樵青吹簫。

玉燭新

元夕京口望大江

客愁攢節夜。况對此。茫茫大江東瀉。昏煙破處。金波散。燈燭纖阿初駕。玻璃千頃。蘸浮玉琳宮碧。瓦津鼓動百丈停牽。偏憐軟沙堪藉。往來楚尾吳頭。但估客帆檣。健兒弓弮。疎燈高下。彷彿認隔岸漁莊。嶢舍故園亭榭。玉臂雲鬟光射。料此際。念我宵征。紫姑卜罷。

青玉案

蒙陰道中題壁

花冠翠羽鄰牆動。早喚起。還家夢。春霧漸消山黛重。小橋西去。酒旗斜颭。且鞚青絲鞵。東菑半頃猶堪種。腐

鼠勞勞成底用。風日自作人。恹恹生憎耳畔。齊謳咽。嘯
不似江南弄。

採桑子

晴巒一帶青堪數。弱柳金搓。嫩艸煙和。客裏春光總不
多。吳船早晚尋花去。簾映青蛾。釀泛紅螺。其奈王孫
薄倖何。

鳳凰臺上憶吹簫

非霧非煙。半寒半暖。征鞍絕喜春陰。遶荒城廢壘。隱隱
遙岑。過了清谿一曲。茅舍矮幾對來禽。依稀是小屏風
上。著色雲林。沈吟。潘季去矣。向土銍羸驂。剗盡蓬心。
便海棠時候。舊事難尋。滿眼殘碑石獸。幽壙裏何代朝

簪春明夢不如換他白墮青琴

清平樂

敝裘羸馬何事棲棲者旅飯炊成幾燭地懊惱春衫塵惹
羊腸歷盡荒山幾家雞犬松關只道蘧廬近也遙
峰尚隔煙鬟

滿江紅

禹揚旅舍次壁間柯翰周韵

大曆才華浪說甚湘靈錢起彈指處半生生事依然爾
爾數載含香雞對省兩季把鉤蓴絲里笑呼鷹躍馬太
狂生今衰矣三條道車如水五侯宅門如市任掀騰
百變易窮颺技守黑亦知師柱下還丹無處求方士捨
溫柔鄉外更何之糟丘耳

又車中戲代

登前韵

妝就慵來學漢柳三眠三起。鴛被晚溫。麝臙鴨相偎。惟
爾楚峽。半宵神女夢。耶谿何處。蕤光里。憶家山。梅事近
花朝。闌珊矣。練一帶。吳江水。錦一片。吳閨市。怎綠窗
拋却。繡床餘技。薄命不須嗟。巧婦傾城也。解憐名士。怪
勻脂未了。玉聰嘶頻驚耳。

又三疊

前韵

斗帳朝寒。羨高臥。哀安未起。星飯罷。勞勞馬足。吾真愧
爾。驛路風亭沙四面。鳳城春樹雲千里。得瓦盆村醪。且
歌呼。高春矣。淚莫灑。桑乾水。琴莫碎。長安市。看積薪
競巧。累砮誇技。橘內儘堪容奕客。蘆中豈必真窮士。笑

朱門酒肉飽徒狀侏儒耳

又

題道傍古塚
四叠前韵

白項烏啼正四野白楊風起長夜客漆燈無燄阿誰伴
爾炙手漫勞矜柘館到頭畢竟譌蒿里歎龜趺螭額舊
寺碑摧殘矣臺與榭空煙水冠與珮曾朝市剩燐青
月黑山魈逞技稷下關河經百戰蕩陰丘壠迷三士想
令威華表學仙言欺人耳

又

初入燕境憶故園
春事五叠前韵

艷日烘花算遊福吾鄉剛起童冠輩春衣葉葉偕從點
爾絃索畫橋連夕舫軟韉碧柳誰家里約紅兒南陌闌
青髓微酣矣平原宅春巾水靈威洞梅真市有鬪茶

燒箔吳儂長技。試問臺邊。淹駿足。何如廡下樓高士。極
爲歡。三萬六千場。蜉蝣耳。

又
咏春風六
疊前韵

杏塢桃谿。看二十四番頻起。數不盡。胭脂萬點。飄零似
爾。靜夜笙簫平樂苑。侵晨簾幕長千里。散都梁。微逗紫
裙開。竟消矣。鱗片片。青蘋水。塵漠漠。青槐市。喜禁烟
節近。紙鸞施技。柳片酒醒思少日。蘭臺賦。獻輸朝士。倩
封姨。吹送曉鶯來。征人耳。

又
鄭州堤上
七叠前韵

如帶清谿。風拂處。縠紋微起。閒屈指。東轅北轅。四回經
爾。唼喋鳬鷺連遠渚。嘔啞舴艋疑吾里。撫江潭。柳色感

蘭成婆婆矣。田幾變蓬萊水。夢不破邯鄲市。負撈蝦
薄業。又魚小技。倦隄聊爲濠濮想。悲譔且和幽并士。問
誰能安坐楫生衣。車生耳。

憶秦娥

春寂寞。掃眉箇管從拋却。從拋却。此此風景。怕人提著。
今生已矣。情緣薄。荒唐浪擬來生約。來生約。知他何
處。鳳簫鸞閣。

鳳凰閣

寄中丞公
時在易州

悵潞河秋曉。素冠分手。東風三弄鳳城柳。報道饑驅陶
令。仍戀五斗。但贏得鬢華漸有。半春情緒。長似失鷹
中酒。狂奴故態。十無九。憑問訊玉鉉邊。自墮繡否。待傾

個丁香坼後

題朝歡

花朝有感

梓澤亭臺何處是。依舊韶華紅與紫。一季一度莫憎遲。
蜂黃蝶粉從今始。可憐春似綺。餘寒不著吳綾被。同作
晨風前醉酒。直得爲情死。多少明妝珠箔裏。并剪輕
綃。勞玉指。賜緋次第徧羣芳。金鈴好護金衣嘴。青陽將
半矣。惜花人去。空流水。願簽名鬢。持宮畔。長作掃花使。

永遇樂

寒食感舊

御柳春城到來猶是舊。日滋味。波靜簾衣。字消香印。鵲
語傳新霽。杏花煙外。賣饒市遠。人倚闌宵。殘醉笑題詩。
韓翃無賴。重騎瘦馬。畱滯。棠梨野徑。旗麟高塚。滿眼

紙錢飄墜。我始欲愁。誰能遣此。灑盡風前淚。妝臺塵掩。
影堂日暮。麥飯天涯難寄。羅襦上雙鴛手刺。化爲灰未。

月城春

憶荀

輕雷山徑。正苔痕一綫。穉龍將迸。雲根斲去。借園丁鐮
柄。春芽玉瑩。伴女手纖纖。難認。薦其櫻盤。香偷蘭畹。甘
疑蔗境。闌干幾回。獨凭想。使船酒消。僧廚夢醒。茗碗
翻匙。又筠籠攜贈。紫苞微映。猶未到。綠肥風勁。乍削琅
玕。休調鹽豉。淡交偏勝。

河傳

南浦。薄暮。水烟微。女伴前裙未歸。野棠風多紅漸稀。飛
飛。故沾金縷衣。惆悵行人斷消息。淚暗拭。如煞雙鴛。

翼。赤。歸。橋。碧。柳。條。蘭。橈。來。須。趁。晚。潮。

謁金門

入都舍館未定
卽有易水之行

春欲暮。綠遍煙郊千樹。好雨如酥吹復住。軟紅初滌處。
萬疊吳山愁緒。半月蘭門鶻旅。重向客中爲客去。那
禁身似絮。

沁園春

美人
頰

誰貼詞梨。握雪團酥。光疑鬢鴉。想怯穿花徑。頻頻廻顧。
羞偎郎腕。故故酸斜。粉膩微黏。肌香欲透。偏扣芙蓉緊。
象紗分明處。只洗頭天氣。初韻桃花。犢車繡領誰家。
剪金鳳團窠。不用遮羞耳環雙墜。低侵碧藕。枕函一線。
乍暈紅霞珠箔。窺時瓊柯碾就。分外亭亭絕點瑕。羅幃

二十四
晚婚鴛鴦兩兩交睡晴沙

又美人
嗟

羅袖花輕點點仍畱鏤金舊箱記鏡前斑管欲勾先潤
簾前弱線已斷猶香窗紙偷穿書緘密啓沾著些些濕
不妨妝臺倦愛越梅青小齒軟津涼有時吹罷笙簧
落幾顆隨風小夜光更玉魚含後脂痕隱映錦衾嚙處
檀印顛狂不枉如飴真堪消渴莫作薔薇曉露嘗藍橋
路算華池除却那覓瓊漿

又美人
耳

阿母前頭影語微詞靈犀早通幾傳來芳信喜占晴鵲
送來愁緒暗數秋蛩撫笛層樓賣花深巷閒處關心幼

便聰纖瓊嫩倩香貂垂鬢護取尖風。附時密約喁喁。
怕侍女猜嫌未許從。儘夢回山枕半輪欹側妝成珠珥。
兩朶玲瓏髮髻纔梳。彎環欲吐。弦月依稀翠霧籠重門。
鎖怪誰呼小字。熱處微紅。

又美人
息

擁鼻吟成。暮地傷心。空閨悄然似欲無還有。游絲晴飈。
將飄旋滅。沈水宵然。顫罷肢柔。喘來聲細。此際如何不
可憐。惡闌倦數。懨懨弱甚。又勝春前。嬌羞一餉難言。
怎薄汗沾衣。斷復連。豈香羈餘煖。初馳叱撥。後園新困。
剛下鞦韆。攪鏡頻吁。寒花試嗅。一縷清芬。一樣傳情。騰
後。借三分酒力。吹近郎肩。

又美人

額

憶折花時幾寸青絲鬢
鬢覆初愛寶奩對影安黃恰正
小釧當面貼翠誰如解事春風多情梅瓣故點含章殿
角虛山無限映夕陽一抹渺渺愁余水晶簾裏妝梳

又怕熱蟬紗縐乍除道官習學畫量來休廣宿醒餘困
感罷纔舒嬌女詩中碩人句裏費盡才情比擬渠殷勤
祝舉玉纖加處嘿訴米蜂龍湖清溪皆有美人諸咏朕
秋水春山金蓮玉筍猶易著
想偶見錫鬯咏美人掌膝膝背乳可謂思
妙入微因戲拈玉詞山谷所云空中語耳

桃源憶故人

惜惜小院丁香樹尚有繁陰如許記得年時爾海青環
窗中語殘膏剩粉知何處幾遍飛花無主認取纖塵

舊路從此凌波去。

摸魚兒

咏金鰱

小池塘。鴨頭新綠。胭脂千片。誰染靜甌。錦鱗朱鬣。影倚
暖冰紋。雕欄波瀲灩。切莫令荷錢。荇帶參差掩。日低煙
淡。向紅板橋邊。絳桃封底。相間落花點。無端是。簾額
微風乍颭。淺牀幾隊。驚閃絨書換酒。知休矣。穩取柔綸
收歛。調粉糝。喑喋處。石稜半寸潮痕減。齊紈湘簾。惹一
笑櫻脣。雙臨茜袖。數罷更迴臉。

六州歌頭

易水懷古

停車野廟。煙柳正中春。驚風起。蕭蕭裏。動青蘋。似秋晨。
此地荆卿餞。白衣掛白虹。貫筵未半。謳聲變。泣。泣。擊

筑酒徒意氣。方雄岸。底用逡巡。伏霜痕。七首西入虎狼
秦。毗裂空瞋。志難伸。想提囊士。彈琴子。謀用矣。豈無
人。狙擊去。椎還偶。竟全身。祖龍真。那信沙丘路。鑄池語。
玉衣塵。燕臺館。阿房殿。總青燐。督亢畫圖何處。斜陽外
敗堞叢榛。只泉香釀。列巫鼓唱迎神。行旅酸辛。

鶯啼序

平明雨吹。薄霧著。嬌紅嫩濕。漸驚醒蝶夢。嬌憨花鬚顫。
裊風急。傷正字。闌干西角。單衣小試。鈎簾立。看泚泚巢
燕。芹泥幾度。銜入。靜鎖歲華。別館畫悄。有新香暗襲。
前春淚。多少斑痕。怕綃袖。自重裛。學吳音。翠襟紅嘴。厭
離籠。拋翻玉粒。鎮無聊如畫。鞦韆夜來收拾。凝思陳

事九響調笙對坐倚碧潭柱橫鬟影亂雙頰半暈樽前
箇人羞濯羅襦解處藏闔罷暗闌珊燭淚銅盤膩更催
佳起作長鯨吸涼蟾正皎睡來倦臥墮毳銀床井華催
汲而今老去貯恨絨愁賸白藤蠹笈閒檢蠶箋湘管
譜就蜀絃總是平時猿啼鵲泣春城曉晚飛花無數吟
鞭搖斷斜照裏問紫騮嘶向誰家繫寄語浴鷺眠鷗等
我煙汀柳陰挂笠

婆羅門引

見王阮亭川稼軒詞寄袁擇庵詞時
袁已下世矣慨賦有作卽次原韵

蓬窗軟語梁鴻谿上女牆西秋筵一霎傷離猶共開元
賀老瑣屑辯雕蛻背夕陽人去秋斷楓稀長年易悲
况遠道見新知聽徹楚江一曲唱鮑家詩前生杜牧紅

樓路可憶墜鞭時空寄與短竹哀絲

賀老指膠城陸君賜袁仁於會稽是

夕席間卽演其所
請楚江情傳奇

釵頭鳳

簫馬

才思昨風如箭琰琰憂碎瓊瑤片
淡閨靜嚴更定簾衣重下薰籠斜凭
聽聽聽宵將半人應倦雪花攪得宮
商亂梨雲醒蘭膏剩錯疑珠勒乍歸
香徑應應應

大有

和片玉詞

繡屏辭春綃衣迎夏學嬋娟庭條
偏瘦碧旗槍花甕茗碗初圓蝦鬚半
捲杏梁收妬紅襟並棲佳偶午夢倏
逐風吹依然一舸江口花飛盡無可
咒最苦日鰥鰥金魚共守細數芳辰
總是憶歡追舊爭奈入清和後更添

那風傳雨倦。積多少。靜裏思量。喧時尙有。

萬里春

和片玉詞

願霞鬢翠淡。片月光花氣。下鉤車。關州歸遲。帶此此。醇

醉。愛極翻憎你。怎藏向。刺桐屏裏。笑聰明。輸與娃僮

早猜將人意。

長吉體公詩
小閣睡娃僮

清波引

川姜白石韻

送君南浦。飲君酒。爲君起舞。柳眉幾許。和煙向人嫵。翠
被那曾暖。又逐晴絲吹去。芳筍亭外。斜陽是。千古斷腸
處。珊鞭付與。板橋滑。驕馬慢度。後期真不倩。霜雁傳
語。高唐夢。回。淚一半。荒臺殘雨。便算檠樹。蓮心辨來非

苦。

勸金船

小槽新瀉瓊酥膩不飲君何意長繩白日應難繫況花
藥翻砌軟語雙燕猶絮畫堂如寄試看三閤獨醒在自
憔悴尊前萬事皆徒爾不換懽騰醉冰絃一闕伊州
脆儘紅豆頻記珍重春纖捧處屈卮香細總有尙書期
迫君且休矣

翻香令

綈函牢合鷓鴣斑殷勤曾索絳窗閒重開檢人何處對
金鳬不忍便燒殘雙心一意本相關那知荀令損韶
顏管齋日招竟夜只留薰小像挂屏山

別怨

和惜香樂府寄
女郎施開鸞

秋至關河，夜闌燈燭，未免多情。歌吹竹西，歸路何人聽，
減字偷聲。歎風流杜牧重來，無限前生。

翠樓吟

聽童子歌余
自度道宮曲

對坐文茵，看調銀甲，喁喁笑語如昨。爭知湘水瑟，忽翻
入離鴻孤鶴。翠銷紅鏤，付幾字腔低，三條絲弱。沈香閣，
葬花風緊，贅槐人覺。寂寞京國棲遲，又小巷開門，烏
啼蟾落。青衫重疊淚，抵千度潯陽船泊。餘音蕭索，漸玉
粟生肌，靈風侵幄。仙緣薄，瑩篴遺響也，難逢著。

水調歌頭

對月感懷與
姜晉友表弟

鄉樹萬重，隔旅月，四回盈。繡塵擾擾，似此蛟蜃，欲何營。
聽過提壺反舌，嘗到林檎盧橘，節序迅堪驚。不待秋風

起吾已憶尊羹。如鉤曲如雲薄。見人情九疑對面無
數。豈必孟門行。八尺琅玕涼簟。一曲玲瓏小檻。蕉葉且
同傾。閉戶長安醉。絕勝李長庚。

金浮圖

寄鍾山同介維山
遊用尹參卿韻

長安地。五侯七貴。艸艸豐臺。便消花事。啓雕籠。幾放青
鸞翅。只有劉郎。領畧桃谿晴吹。芒屨蹋穿嵐翠。春衫換
去。濃染金樓氣。人微醉。泉香石嫩。靜對山僧。指揮如
意。漁舟莫作仙源比。徧數含苞。看到紅英墜。塵世爛柯
應易閒。雲笑我。翻滯銅街轡。